

Von Italia.

celix



fleisch/butter/vnd dergleichen dingen überflüssig do gefunden werden. Die burger haben vil zwo tracht vnder jnen selbs/vñ seind der Erzbischoff/Thimbherren/vnd münch/fast reich/dann sie haben fast alle güter an sich gezogen. Das ich aber hie fornen angezogen hab/wie Pipinus vñnd Keyser Carlen so vil herlicher stete dem Bapst haben zů gestelt/wölle die andern solliches nit zůlassen/sur der spreche/es sey jm nicht mehr geben worden datt das Patrimonium Petri das in Tuscia lige/vñnd nit das gang Tuscia/Romandiola/das Herzogthumb von Spolei/die Marck von Ancon/Bozonia/Perusium/Ferraria/Trinacria/Calabria/

Apulia/Aprutium/Cerra laboris/vñnd andere mehr stete vnd lãnder/so ihm ort mittel vnderworffen seind/oder ein lebenherz darüber ist/ja er hat nach vnd nach zů grossen nachtheil des Keyserthumbes sie an sich gezogen/besunder als zwischen jm vnd dem Keyser/vnd andern Künigen/scismata vñnd zertrennungen oder zwyspalt gewesen seind. Es ist gar güt fischen wann das wasser errib ist. Er hat die Keyser gebannet/vnd die vnderthonen von seiner gehorsame gelediget/vnd dar zwischen sein dingle gemacht/das ein Keyser jezund schier niches in Italia mit dem bessern theil seines Keyserthumbis hat. Es schreibe doch Encaus Silvius/das eigentlich Patrimonium Petri sey die landtschafft/so die juncdfrau Mathildis/ein rochter des Herzogen Bonifacij von Luca/die von dem blisc der Beshemischen Herzogen was/dem Bapst zů Rom übergeben hat/vmb das jar Christi 1080.welches land ligt zwischen Senis vnd Ceperano/von dem hie vnden bey Senis auch etwas gesagt wirt.

Forum Livij.

Fürschreibe diese stete zů dem lãndlin Emilië/vnd sie ist vnderworffen dem Bapst. Doch haben ire burger dem Bapst Martino dem vierden nicht wöllen vnderthenig sein. Do schickte der Bapst einen Franzosen/mit namen Guidonem/vnd mit ihm ein grossen zeug wider die stete/aber er schiff niches/sunder ward inn die flucht geschlagen. Vnd als der Bapst zum andern mal ein grossen zeug schickte/ward die stete erobert vnd zerbrochen. Nachmals seind Herren darüber worden die Videlsphi/die seind von einem grossen geschlecht der Venedigern gewesen/aber bebielten sie nit inn die lenge/sunder die stete kam widerumb vnder den Bapst/der gab jhr stathalter/die doch zum offtern mal darauß geschlagen worden/oder sunst umbbrachte.

Senis.

Nach anzeigung aller historien/ist Senis ein alte stete/vnd ein besatzung der Römer/so die Latiner Coloniam nennen/ist aber mit der zeit zů grossen gewale erwachsen/hat auch land vnd leue vnder sich bracht/ist auch ein ewige feindschafft zwischen jhr vñnd Florenz erwachsen/nach dem die Sibelliner vnd Welffen in Italia erstanden seind. Dann als die Florentiner die Sibelliner auß jhrer stete schlugen/do haben sich die vertribnen zů den Senensern verfügt. Tit ferr von der stete Senis geht an das land so man nennt Patrimonium Petri/das ist S. Peters erb/vñ gehören

F. iij darzů